



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno DCCCCX. ad annum MLXXIII.

Parisiis, 1644

Epistola XI. Leonis Papae IX. Ad Ioannem Archiepiscopvm Salernitanvm.
Iura metropolitanatus eiusdem ecclesiae confirmat.

urn:nbn:de:hbz:466:1-15625

sequenter autem illi, qui ecclesiasticas facultates barbarica feritate diripiunt, in æternæ suæ damnationis voraginem cadunt: qui nimurum nouo & incomparabili criminis genere sic Iudaicam perfidiam superant, vt non modo Gentilium errorem, sed & hæreticorum prauitatem detestabiliores excedant, a quibus videlicet Christus iterum crucifigitur, & corpus eius, quod est ecclesia, crudeliter lacratur.

Deprimatur ergo ausus illicitus & nefarius diabolice instigationis, cohibeatur excessus, abstineat manus audax ab ecclesiastico patrimonio, ne victus pauperum pereat: ne quod ex oblatione fidelium iam Deo factum est sacrificium, præda raptorum fiat. Quisquis autem huius nostri decreti improbus temerator extiterit, ex parte Dei omnipotentis, & auctoritate beatorum apostolorum Petri & Pauli anathematizandum esse decernimus, & vt reuera putridum membrum excommunicationis ferro a sanctæ ecclesiæ corpore detruncamus. Sit igitur, nisi resipiscat, anathema, maranatha, omnesque maledictiones Hebal super caput suum descendisse cognoscat. Observatoribus autem gloriam, & honorem, & incorruptionem quærentibus vitam æternam. Amen.

Deut. 27.

EPISTOLA XI.

LEONIS PAPÆ IX.

AD IOANNEM ARCHIEPISCOPVM SALERNITANVM.

Iura metropolitanatus eiusdem ecclesiæ confirmat.

Leo episcopus seruus seruorum Dei sanctæ & venerabili Salernitanæ ecclesiæ, quæ est beatæ & semper virginis Dei genitricis Mariæ, ubi etiam gloriosum Matthæi apostoli & euangelistæ corpus cum beato martyre Fortunato requiescit, & per eum confratri nostro Ioanni eiusdem ecclesiæ archiepiscopo in perpetuum.

OFFICIVM sacerdotale assumere, si interiori vigilancia perpendamus, oneris est magis quam honoris, quippe cui propria curare non sufficiat, nisi & salubriter gesserit aliena. Nam ad hoc pastoralis regiminis curam aggreditur, vt aliorum in se solitudinem pia prouisione suscipiat, vt in eorum se custodia vigilanter disponat, ne nostra

nostra forte desidia inuidus hostis rabida (quod absit) quempiam fauce deglutiat, & eorum ad nostram non im- merito applicetur poenam perditio, qui commissos solici- ta custodire cautela negligimus.

Exhibeamus ergo quod dicimus, & quibus diuini dis- pensatione consilii præesse nos contigit, prodesse quan- tum possumus festinemus, vt dum creditor rationem no- biscum positurus adienerit, lucrum nos fecisse reperiatur, & sua (sicut promisit) remuneratione lètificet. Et quo- niam ad præsens ecclesiam istam nullis bonis nostris hono- rare , ditare , vel, vt oportet , adaugere possumus , sua sibi confirmare , & indiscessa vel imminuta pia deuotione cen- semus conseruare. Vnde fratri Ioannis archiepiscopi pe- titioni libentissime annuentes , hoc apostolatus nostri pri- uilegium fieri decreuimus , statuentes apostolica censura, vt quæcumque imperatores, reges, principes, aut qui nunc clare principatur Guaimarius, ad hanc domum Domini contulit bona , vel omnia a quibuscumque Christi fideli- bus concessa, vel in perpetuum sunt concedenda, rata sem- per & inuiolata permaneant.

Confirmamus etiam tibi ipsum ex integro archiepisco- patum Salernitanum cum sibi adiacentibus parochiis suis. Et insuper licentiam & potestatem damus ordinandi & consecrandi in his subiectis nobis locis , hoc est Pestanen- sem episcopatum cum parochiis & adiacentiis suis , & No- lanum , & Consanum cum parochiis & adiacentiis suis , nec non Maluitanum , & Cusentinum , simulque episco- patum Bisunianensem , atque episcopatum Acerentinum cum omnibus parochiis & adiacentiis eorum. Nec non li- ceat tibi ordinare episcopos super congruentia loca, secun- dum regulam sanctorum patrum , in ipsa integritate Saler- nitani archiepiscopatus. Et non habeant potestatem suc- cessores nostri in cunctis prædictis episcopatibus, quos vo- bis apostolica auctoritate concessimus , deinceps in per- petuum episcopos consecrare, quemadmodum vobis con- cesso est.

Si quis autem contra huius nostræ præceptionis priuilegium agere præsumperit , aut præsummentibus conser- fit, aut fautor extiterit, & non potius obseruare eum in integrum studuerit, sed nostram apostolicam hanc præce-

Concil. Tom. 25.

PPP

ptionis interdictionem transgredi præsumperit , sciat se auctoritate beati Petri apostolorum principis cælorum regni clauigeri , nostroque anathematis vinculo & innotatum , & a regno Dei alienatum , atque cum diabolo & eius atrocissimis * pompis , transgressorem sanctorum patrum canonica traditione deputatum . Quoniam scriptum est : Terminos patrum nostrorum nulla auctoritate illicitæ temeritatis transgredi præsumi . Et quia opportunitatis exigit ratio , proteruos ac transgressores ex canonice correctionis freno debere constringi ; illius insuper * speciali iaculo perdat animam , cuius temporali gladio Malchus amisit auriculam . Qui vero huius nostri priuilegii constitutionem & confirmationem obseruauebit , a Domino Deo benedicatur , & æterni regni , beato interueniente Matthæo euangelista , particeps effici me reatur .

Datum x i . Kalendas Augusti per manus Friderici diaconi , sanctæ apostolicæ sedis bibliothecarii & cancellarii , & domini Hermanni Colonensis archiepiscopi & archicancellarii , anno domini Leonis IX . papæ tertio , indictione iv .

D I P L O M A
L E O N I S P A P Æ I X .
D E C O R P O R E S . D I O N Y S I I .

In Saluatoris nostri Iesu Christi nomine . Amen .

Leo episcopus seruus seruorum Dei clarissimo filio inclito regi Francorum , ac venerabilibus fratribus archiepiscopis , episcopis , & dilectis in Christo filiis abbatibus , prioribus , præpositis , & decanis , uniuersisque tam subditis quam prelatis eiusdem regni , salutem & apostolicam benedictionem .

DEVS omnipotens , qui non immerito per Prophetam in sanctis suis esse mirabilis prædicatur , mira quadam inscrutabilis consilii sui profunditate disponit , quæ dum considerare non sufficit mens humana , ipsa suimet infirmitate deficiens , in quemdam sui excessum rapi cogitur & stuporem . Quod ipsi nos nuper experti , & vobis in Christo carissimis , & vniuersitati fidelium promulgare compellimus , ut & Dei opera pariter admirremur . Nam